

Naitumik Uqauhiq

Ahiaqmi maniqami Tuktut ilitugiyauhimayut Kayaknaqniiliqniginik uumayut Kamitiuyumit Qanuriniginit Amiqnaqhiyunik Uumayunik Kanatami (COSEWIC) November-mi 2016-mi agitaumayumik amigainigit ikikligaalakmata. Atuqata COSEWIC-kut atuqtainit, Ahiaqmi maniqami Tuktut ilituqhaqtaulaaqtuugaluit Amiqnaqhiginik kihiani igataqturiyaugitut taja munarijutiqtiriit akhuurutainit Kavamanit, uumayunik munariyini katimayinit nunagiyaayunilu, pijutaukmalu Ahiaqmi Tuktut takuyaugituyaaqmata nuquliqniginik taja. Amigainiqhat Ahiaqmi maniqami Tuktut amihuaqyuit takuyauhimaliqtut agiyumik ikiklivalianiginik 1990-mit. Humiliqaa Kanatami, Ahiaqmi maniqami Tuktut ikikligiaqhimayut qanituani 2-milianit atuni atulihaaqnigini 1990-ukiut uvuga 8-hanatausinit 2016-mi – 56.8%-mik ikikligiaqhimayut pigahuni kiguliriini (akungani 1989-mit 2016-mut). Qaganuaq amigainiginik naunaiyautit, COSEWIC-kut ilituqhautaanit, huli ikiklivalianiginik ilagini amihuaqyukni, ukunanilu Kivaliqhiani Ahiaqmi, Qigaukmi, Ualiqhianilu amihuaqyuit. Ikiklilinqiaqata uumayut Nugunahuquuqnarunaqhiyut ukua ihumaluknaqngit ihuaqhilraaqtinagit. Atulaaqtut ihumaluknaqngit Ahiami maniqami Tuktut ilaqaquqtuq: hilamit hilaplu aalaguqnigut aktuqniqaqtuq niqikhainik qahaktunik, tuktutuqpaktunik umayunit, kumavaluknit aaniarutinilu; havakviuyunit qiniqhiayunit pivaliajutinilu; ahiruqtiqniginik nunagiyait ukiiviit napaaqtut ikulaaqniginit amigaiqpalianiganilu inuqaqniginik hanimikni; amigaiqpalianiginilu inuit piyumayaualianiginiklu amigainiqhanit tuktut niqait.

Ilagani *Uumayut Ihumaluknaqhiyunik Maligaqyuaq (SARA)*, kavamatuqani Ministauyuq Avatiliqiniqmik uqaqatigariaqaqtuq ilauryariaqaqtunik avikuqhimayunit, ukiuqtaqtunit uumayuniklu munariyiyunik katimayini ihuaqhaigiaqtinagit atuliquyaayumik Ataniqpakmit Katimayini naamaginiaqnigagu COSEWIC-kut ilituqhauta ilaliutilugilu Ahiaqmi maniqami Tuktut *SARA-mut* Ihumaluknaqhiginik uumayut. Atuqniqatitaqtuq itqaiyaami ihumaliurutiaqhimagitut uumiga *SARA-kut* titiraqtaunigini atulirumayaayunik ublumimut.

Atuqniqatitaqtuq itqaiyaagani ihumaliurutiaqgituq pijutauyunik *SARA*-mi titiraqhimayuni atulirumayamik atuqhimaginmat ublumimut. Kagiqhijutimut kanatami Ministauyuup atuliquya pijutauyumik *SARA*-mi titiraqnigani atulirumayaayumi, Avatiliqiyit Hilaplu Aalaguqniganik Kanatami (ECCC) uqaqatitaqtut Agunahuaqtinik Naniriaqtuqtiniklu Timiuyunik, Nunami Uumayuliqiyit Timiuyunit, nunagiyaayunit, ahiinilu timiuyunit (ajikutainik Nunavumi Tungavik Timiuyumit, Nunani Inuit Katimayinit, Kivaliqhiani Ahiaqmilu Tuktut Munarinigagut Katimayit) Nunavumi 2018-mit 2021-mut. Pijutauniga uqaqatiriigutit ima: 1) uqatiariagani COSEWIC-kut ilituqhautaa, *SARA*-mi naunaipkutinik titiraqnigini, ihumagiyaunigalu naunaipkutinugiagani Maniqami Tuktut Ihumaluknaqnginik uumayut ilagani *SARA*-mi; 2) katitiriagani uqauhiyut, ahiilu hivunihijutit, ilitariyauhimayulu ihumagiyait uqautauyunik ilaayunik pijutauyunik *SARA*-kut naunaiyautinugiagani atulirumayaanik, qauyimayaagani kavamatuqani Ministauyup atuliquyainik Ataniqpakmit Katimayini; unalu 3) kiuyaagani apiqutauyut ihumaluutaayulu uqauhiyut.

Ilagani *Nunavumi Agiqatiriigutip*, ECCC-kut uqaqatitaqtut Agunahuaqtinik Naniriaqtuqtiniklu Timiuyunik (HTO), Nunami Uumayuliqiyinik Timiuyunik (RWO), Nunavumi nunagiyaayunik, ahiiniklu timiuyunik pinahuaqtinagit ihumaliurunmik Nunavumi Uumayuliqiyit Katimayinit (NWMB). Hivuni uqaqatiriiliraqnigini, ECCC-kut uqauhiqahimayut uqaqatiriigutinik upalugaiyautimik NWMB-kunut piyumahimavlutiklu NWMB-kunit atulirumayainik uqaqatiriigutikhamik pigiarunmik (December-mi 2017-mi). Hivunihijutinik qanuriliginik uqauqauliqpaktut qaguguraagat NWMB-kunut uqaqatiriiktilugit havauhiqmi (March-mi 2019-mi March-milu 2020-mi), ECCC-kulu havaqatitaqhimayut Kavamanik Nunavumi (GN) Nunavut

Tungavik Timiuyuqlu (NTI) ihuaqhivaaliriagani uqaqatiriikniut pigiarutauyuq kiguani hivuliup uqaqatiriikniriyainit. Uqaqatiriiktilugit, ECCC-kut havaqatigatiagtut ikayuqtimiknik timiuyunik Nunavumi, havaktiniklu ikayuqtinit timiuyunit (NWMB-kunit, NTI-kunit) Nunani Inuit Katimayinit, RWO-nilu taimaitunit) qaitquyauhimayut ilauyaagani ECCC-kut uqaqatiriiknigini katimayutini, ilaugiaqlutiklu ayuqnaitkagat. Ikayuriagani ayuruiqpaaliriagani Inuit upitaagani pijutauyunik SARA-mi titiraqtauniginik atulirumayauyumik, ECCC-kut ihuaqhaihimayulu manikhaakhanik agiqatiriigutimik NTI-kulu aulapkariagani timiuyumi uqaqatiriiknigit ukua Inuit Nunagiyainit timiuyunilu tuktut munarinigagut nugutailijutikhaniklu havauhiqnik.

Uqaqatiriikniq

January 25-mi 2018-mi, titiraqhimayut uqaqatiriigutit hanahimayut tuniuhaktauhimayut nunagiyauyunut ikayuqtinulu uqautauyunik uqaqatiriiknikut upalugaiyaunmi. ECCC-kut katimapkaiyut hivuliqmik uqaqatiriikniqmik February-mit 2018-mi February-mut 2019-mi Qigiqtaalukmi, Kivaliqni, Qitiqmiunilu nunani. HTO-guyut nunagiyauyumi ataniqtuitilugit uumayunik munarinigagut atuni nunagiyauyumi, ECCC-kut uqaqvigiyaat HTO-kut atuni Nunavumi nunagiyauyumi iluaniitunik Maniqami Tuktut haguviini. ECCC-kut uqaqatiriiknikut katimanigit HTO-kulu atuqhimayut HTO-kuni ilaayunik piyumagagatalu, inuit katipkaqhugit atuqhimayut hivuliqmi uqaqatiriigutini. Atuni katimaniqmi, ECCC-kut uqaqhimayut hivunihijutikhanik uqatiariagani COSEWIC-mi ilituqhaut, SARA-mi titiraqniginik havauhiq, qanuriliniaqmagaalu titirariagani Maniqami Tuktut Ihumaluknaqniginik umayunik ilagani SARA-guyup.

Kiguani hivuliup uqaqatiriiknigini, ECCC-kut havaqatigatiaghimayut GN-kunik, NTI-kuniklu ihuaqhariagani uqaqatiriiknikut pigiarutauyuq ihivriuqlugilu uqautauyut hanahimayut, ila kiuvagiagani apiqutauyut ihumaluutauyulu uqautauhimayut hivuliqmik katimagamik. Uqautauyut hanahimayut ihuaqhaqhimayut pipkaiyaagani ilagiarutinik hivunihijutikhanik uqautauluaqhutiklu ihuaqhiyaagani havaariyauhimagitut ihumaluutauyut naunaiyatiariaganilu amihunit nalaumagitut Ihumagiyauyut apiqutauyulu atulirumayauyumik SARA-kuni titiraqhimayunik. Ilagiarutit hivunihijutit ilauhimayut uqautautiaqhutiklu naitumik uqautauyut hivuani uqaqatiriikniginit tuhaqtauyut; COSEWIC-kut ilituqhainikut havauhia SARA-kulu titiraqniginik havauhiyut; ilaunigit IQ-guyup Inuilu ilaunigit; Inuit agunahuaqnikut ihumaqhuutait umayulu munarinigagut havauhiyut ilagani *Nunavumi Agiqatiriigunmi*; atulaaqtut nakurutauyut titiraqniginik Maniqami Tuktut ilagani SARA-mi; nunagiyauumi amihuaqyuknik hivunihijutit. Uqaqatiriiktilugit NTI-kulu GN-kulu, ECCC-kut ihuaqhaiyimayut upalugaiyaunmik uqaqatiriyaagani nunani umayuliqiyit katimayit ukiakhami katimanigani 2019-mi aipagutuaraagat katimaqyuaqnigini (AGM), pipkaiyaagani qanurilivalianiganik uqaqatiriikniqmit ublumimut pinahuariaganilu maliruakhamik huli uqaqatiriigutikhanik atuni nunani. ECCC-kut ilauhimayut Kivaliqni Qigiqtaalukmilu Umayuliqiyit Katimayit AGM-giyaini ukiakhami 2019-mi, kihiani ayuqhaqmata ilauyaamikni Qitiqmiuni Nunami Umayuliqiyit Katimayit AGM-gani 2019-mi kanatami vutiqniganit. Kivalikni Umayuliqiyit Katimayit AGM-giyani, uqautauyuq ilagiarutikhat katimanigit Kivalikni nunami aturiaqaqniginik, tuuklianiklu katimaniginik atuqhimayut HTO-kulu Kivaliqni nunami February-mi 2020-mi. Uqaqatiriigutinit KRWB-kut Nunami Ihuakhaiyialu, uqautauyuq ilagiarutikhat katimanigit Qitiqmiuni nunami aturiaqaqniginiklu. Piyugauniganik Qalakyuaqnik-19-mit atuquyaugitut, qaritauyakut katimaniginik atuqhimayut tamaini kihiani atauhiugituq Qitiqmiuni nunami HTO-guyup January-mi 2021-mit June-mut 2021-mi. ECCC-kut ilauhimakmiyulu Qitiqmiuni Nunami Umayuliqiyit Katimayit AGM-giyaanik March-mi 2021-mi pipkaiyaagani naitumik qanurilininiganik taja uqaqatiriigutit Qitiqmiuni, atuqhimaamata taja. Piqagituq tuukhiqtuunmik ilagiarutikhanik katimaniqnik Qigiqtaalukmi Umayuliqiyit Katimayinit. Uqaqatiriiknikut katimanigit ilagiyainilu

timiuyut (ila NTI-kut, Nunami Inuit Katimayit, Ahiaqmi Qamaniqyuamilu Tuktut Munarinigagut Katimayit) atuqhimayut akungani 2018-mit 2021-mut.

Atuqtilugit uqaqatiriigutit, ECCC-kut ihuaqhaqhimayaat pigiarutigiyagtik pipkaivlutiklu qafinik atuqtakhanik nakuutqiyamik ihuaqhariagani ihumaluutauyut, kiujutauyut, tuukhiqtauyulu Inuit nunagiyainit timigiyainilu. Ukua atuqtakhat ilaqaqtut ilagiarutikhanik katimayaagani, pipkainiqmik uqatiaqhimayunik kiujutunik tamaini apiqutaayunik piyauhimayunik, ahiaguqniginik ihuaqhaqniginiklu uqautaayut atuqlugit kiujutaayut piyauhimayut, qaitqulugit ayugitut katimaniqnut, havaqatigilugit ikayuqtit, kiguvariaqniganiklu pivikhaqaqniganik tuniyauniganik NWMB-kunut ihumaliurutikhaanik.

Qanuriliginik

Atuqtilugu atuni uqaqatiriiknikut katimaniq, ECCC-kuni havaktut akmaiuyut uqaqatiriigutininik talvuuna katimayini ilaayut katimaqatauyulu apiqutiqaqtut, tuhaqtugit ihumagiyatik, uqauhirivlugilu qauyimayatik tuktunik nunagiyamikni. Ilaayut piquyaayut pipkaiyaagani uqauhiqnik ahiinik hivunihijutikhanik ihuaqtumikluniit ihmagiyamik SARA-kut titiraqniginik aturumayaayumik. Kiguani atuni katimaniup, ECCC-kut ihuaqhaihimayut katimaniqmik naitumik uqauhiyunik, HTO-lu pipkaqtauyut pivikhaqariagani ihivriuriagani taimainiginiklu uqaqlutik naitumik uqauhiyunik iniqtiqtaugiaqtinagit. Aalatqiit amihunit uqautaayut ihumaluutaayulu piyauhimayut uqaqatiriiktilugit. Ihumaluutaaluaqtut uqautaayut ikiniqhanit 50%-mit nunagiyauyunit humiliqaa tamainit nunanit ilaqaqtut tuktut humiiginik aalaguqpaliaginaqniganik; tuktunik niqiaqtut umayut amiqnaqluaqniginik ikiklivaliajutauniginiklu uqauhiyut; aturiaqaqniganiklu Inuit ilauniginik tamaini havauhiyuni SARA-kut havauhiani atuqniqatiaqniganiklu IQ-guyuuq tamaini havauhiyuni SARA-kut havaagani; ukua tuktut amihuaqyuit inmikni amigainigit aalaguqataqpakniginik; aturiaqaqniga amihuaqyuit qanurilivaliaginik; ukua tuktut ikiklivaliaginiginik; atulaaqtunik atuqyaugitunik aguniaqnikut ihumaqhuutit; ikituniklu kagiqhimaniginik SARA-kut havauhiinik. Ilagiarutikhat uqautaayut ikitqiyaniq 50%-mit nunagiyauyunit tamaitaugitunilu nunanit, agiqatiriigutaugitulu naunaiyautit havauhiuniginik; agiqatiriigutauginigit taja maliruakhat, atuqyaugitut amigainigilu aguyaayukhat; ihariagiyauniga hivunihivaalirutikhanik ikayuriagani ihumaliurutit (tamaini qavlunaanit naunaiyautit IQ-milu); takuyaayuuq amigaiqniginik ikiklivalianigilu nunani tuktut; ihumaluutaayut naunaiyaiyit iqhitaariyut tuktunik; Inuulu agunahuaqnigit ihuaqtumik atuqpagiagani.

Qanurilivalianigit takuyaaulaqtut aaliuyumi, amigaitqiyalu uqatiarutit qahaktut Uiguani 4-mi Naitumik Uqauhiyunik Tuhaqtauyut. Ukua ikayuqtit tunihihimayut kiujutimiknik ilaayut aaliuyumi kihiani takuyaaulaqtut Uiguani 4-mi.

	Kiujuvaayuuq Qanirutuuniga		
	Ikeyugituuq	Ikeyuqtuuq	Ihumagiyaqagituuq
Umayuliqiyit Katimayit	Qitiqmiuni Nunami Umayuliqiyit Katimayit	-	-
BQCMB-kut	-	X	-
Kavamat Nunavumi	X	-	-
Agunahuaqtit Naniriaqtuqtulu Timigiyait	Iqalukni, Kimirutmi, Taluyuani, Kurairojuarkut, Issatikut, Aiviitkut, Arviqkut, Qamaniqyuami	-	Kagiqturaapikmi, Kigaqnulu
Nunagiyauyumi Kiujutit	Aiviq-kunit (Kigaqni) (8). Naujaanit (Arviq-kut) (1)	Kimirutmit (1)	Kagiqturaapikmit (1)

Tamaita timiuyut HTO-kulu tunihigitkaluaqhutik ihuaqhaqhimayumik ihumagiyamiknik, ECCC-kut pihimayut huli ihuingaumayunik uqauhiuyunik, apiqutunik tuhaqtijutuniklu uqaqatiriikniqmi katimatilugit, pijutauyunik ihumagiyainik Inuit ukuniga SARA-kut titirumayainik atulirumayanik. Inuit timigiyait upihimayut akmaumayuni ihumatiarutini uqaqatiriigutunik ECCC-kulu uqauhiriyaagani ihumagiyatik tautuktatiklu atulirumayayumik.

Ilagiyaani unipkaa ilagiyauyulu naitumik uqauhiuyut qanuriliniginik Nunavumi uqaqatiriigutinit. Una makpiraaq tuniyauliqtuq NWMB-kunut ihumaliuriagani atulirumayayumik titiraqniginik Maniqami Tuktut Ihumaluknaqniginik ilagani kanatami *Umayut Ihumaluknaqniginik Maligaqyuami (SARA)* atuqat *Nunavumi Agiqatiriigut s.5.2.34 (f)-miituq 5.3.16-5.3.23-milu.*